



INTERNATIONAL TRADE UNION CONFEDERATION
B-1210 Brussels, Bd du Roi Albert II 5



SAVEZ SAMOSTALNIH SINDIKATA
BOSNE I HERCEGOVINE

CONFEDERATION OF INDEPENDENT TRADE
UNIONS OF BOSNIA AND HERZEGOVINA

Obala Kulina bana 1, 71000 Sarajevo, Bosna i Hercegovina
Tel.: +387 33 20 20 29, 66 48 72; tel/fax: +387 33 44 23 21; E-mail: sinbih@bih.net.ba, uidina@sindikatih.ba

Broj: 01-III-549/10
Sarajevo, 20. oktobar 2010. godine

PREDSJEDNIK UPRAVE – GENERALNI DIREKTOR
JP ŽFBiH d.o.o. SARAJEVO

Poštovani,

Savez samostalnih sindikata BiH je preko svoje članice – Samostalnog sindikata željezničkih radnika u BiH redovno informisan o aktuelnoj problematici u JP Željeznice FBiH, pa tako i o najnovijem potezu Uprave ovog javnog preduzeća kojim su grubo prekršene odredbe Zakona o vijeću zaposlenika koje se odnose na obavezu poslodavca da se konsultuje sa Vijećem zaposlenika, odnosno sa sindikatom prije donošenja odluka od značaja za prava i interese radnika, kao i odredbe Zakona o radu koje se odnose na sudjelovanje radnika u vijeću zaposlenika i zabranu miješanja poslodavca u djelovanje sindikata.

U čvrstom uvjerenju da su ovakvi potezi Uprave kontraproduktivni i da neće doprinijeti prevazilaženju nagomilanih problema u JP Željeznice FBiH, koristimo priliku da Vas podsjetimo da je Samostalni sindikat željezničkih radnika u BiH, uz punu podršku SSSBiH, bio aktivan sudionik u dosadašnjim pokušajima da se iznađu adekvatna rješenja za dugogodišnje probleme s kojima se suočavaju Željeznice FBiH, rukovodeći se pri tome prvenstveno zaštitom interesa radnika i poštivanjem pozitivnih zakonskih propisa iz radno-pravne oblasti. U svom radu i djelovanju sindikat je i do sada, a sigurno će i ubuduće biti prisiljen da se svim legalnim sredstvima sindikalne borbe suprotstavlja nezakonitim pokušajima narušavanja prava i interesa radnika-svojih članova.

U tom kontekstu, najmanje što se može tražiti i očekivati i od nove Uprave Željeznica FBiH je da poštuje pozitivne zakonske propise iz radno-pravnih odnosa i da prihvati i uvažava sindikat kao ravnopravnog socijalnog partnera, jer je to u obostranom interesu. Sigurno je da će konstruktivan dijalog i korektni pregovori sa sindikatom, umjesto metoda prisile, zastraživanja i nelegalnih pokušaja Uprave da formira zaposlenička vijeća s očitim ciljem da oni budu njihova «produžena ruka», brže dovesti do izlaska iz teške situacije u kojoj se nalaze Željeznice FBiH.

Imajući u vidu navedeno, očekujemo da ćete postupiti po zahtjevima sindikata i povući spome odluke, te u daljim aktivnostima prilikom donošenja odluka koje su od značaja za prava i interese radnika obavezno konsultovati njihove na zakonit način izabrane predstavnike, kako je to i predviđeno zakonom, kolektivnim ugovorom i pravilnikom o radu.

S poštovanjem,

PREDSJEDNIK
Mr. Ismet Bajramović

Dostavljeno:

- Samostalni sindikat željezničkih radnika u BiH

- OGLASNE TABLE

